

四庫全書

子部

欽定四庫全書

子部

普濟方卷三百

八十九  
九十

詳校官太醫院恩禮臣袁天錫

編修臣倉聖脈覆勘

總校官進士臣繆珙

校對官修撰臣吳錫齡

謄錄舉人臣薛炳文

欽定四庫全書

普濟方卷三百八十九 明

周王朱櫛 撰

嬰孩諸血痔疾門

總論

夫鼻竅者是五臟熱結所為也血為氣行通流臟腑冷熱調和不失常度無有壅滯亦不流溢血得寒而凝結得熱而流散熱乘於血血隨氣發溢出於鼻竅也又有因傷寒溫疫諸陽受病不得汗熱每停聚五臟故從鼻

而出也病瘥後唾血咯血下血者此熱毒積瘀犀角地黃湯主之初病亦宜服 夫吐血者榮衛氣逆也榮者血也衛者氣也榮衛相濟不失常道一有所勝則致妄行血者水也決之東則東流決之西則西流氣之使血其勢如此巢氏云吐血者是有熱氣勝而血虛熱乘於血血得熱則流散妄行氣逆則血隨氣上故令吐血也又或飲食太飽之後脾胃內冷不能消化急吐所食之物氣血相衝因傷肺胃亦令吐血若久嗽氣逆面目浮

腫而嗽血者是肺虛損也 夫大便血者大腸熱結損傷所為也臟氣既傷風邪自入或畜熱或積冷或濕毒傳於脾胃或疳食傷於臟腑因茲冷熱交擊疳濕互作致動血氣停留於內凝滯無歸滲入腸中故大便下血也又有或腹脹冷氣在內攻衝亦令大便下血又因風冷乘虛客入脾胃或瘀血腸胃濕毒一如豆汁又疳傷於臟亦能使血若上焦心肺積熱流注大腸亦令大便下血也亡血脾弱必渴久則血虛其人必肌體萎黃頭

髮不黑矣

沈氏子十歲鼻衄不止或以葦花煎湯或以犀角地黃湯并龍骨末吹鼻數法不效其血

注下召愚視之急以濃鹽水下龍膽丸一服減半再進全除主人曰鹽水有何效愚曰夫血得熱而流溢鹽水鹹冷能凝其血譬之屠猪就血得鹽水而凝結黃連龍膽味苦寒能堅其血所以知其鹹苦入口即立效也

凡兒生七日之內大小便有血出者此由胎氣熱盛之所致也母食濃酒麴麴炙博醃醃等流入心肺兒在胎內受之熱毒亦傳心肺且女子之臟其熱即入心故小便有之男子之臟其熱即入於肺故大便有之血出淡淡有似坯水盛即其血加鮮凡遇有此不可用他藥但

以生地黄根研取自然汁五七匙蜜半匙和勻溫溫與服移時安愈男女皆效不須疑慮甘露飲宜兼與服不必他藥萬一無恙勿得急遽妄投丸散

吐血

附論

夫小兒陽氣盛壯上焦有熱伏於心肝二臟播流血脉血得熱則妄行下入胃中胃受之則脹滿與氣俱上衝擊故令吐血

方

紫參散

出醫方妙選

治吐血

紫參

山梔子

乾生地黃

各一分

刺薊

一分

燒灰亂髮

燒灰

蒲黃

伏龍肝

各一錢細研

右都研勻每服半錢至一錢煎竹茹湯調下

犀角散

出聖惠方

治小兒四五歲已上非時吐血

犀角屑

梔子仁

生乾地黃

子芩

紫蘇

刺薊

各一分

右為散每服一錢水一小盞煎至五分去滓不計時



候量大小加減溫服

茜根散

出聖惠方

治小兒吐血心躁煩悶

茜根

半兩

犀角屑

川升麻

川大黃

炒

黃芩

甘

草

炙已上各一分

右為散每服一錢水一小盞入黑豆三十粒淡竹茹半分煎至六分去滓不計時候量兒大小加減

辰膠散

出全嬰方

治小兒吐血

阿膠

炒

蛤粉

等分

辰砂

少許

右為末和粉紅色三歲一錢藕汁和蜜調下一方藕節晒乾為末人參湯調下能消瘀血

蒲黃散

出聖惠方

治小兒吐血不止

蒲黃

一分

伏龍肝

半兩

亂髮灰

一分

右研勻細不計時候煖生地黃汁調下半錢量大小加減服之

治小兒吐血不定

刺薊

自然汁不計多少

朴硝

半兩

右先研朴硝為末二百日兒及晬兒每服用刺薊汁調朴硝末一字至半錢七日再服量兒大小加減

大黃湯 治小兒吐血

大黃 炒 黃芩

去黑心  
各一分

右麤搗篩三四歲每服一錢匕水七分入黑豆三十粒同煎至四分去滓溫服日三服更量兒大小加減

治小兒積熱攻肺卒吐血

飛羅麪

二兩

生地黃汁

二盞

右相和勻曝乾研為末每服半錢匕新汲水調下日  
三服隨兒大小加減

蒲黃散 治吐血咯血

生蒲黃 油髮灰

等分

右研細每服一錢煖生地黃汁調下米飲亦可一方  
無油髮灰

治小兒吐血

用蛇蛻皮燒為末以乳服并治重舌

又方

用油三分酒一分和之分為二服

青苔散治小兒鼻衄吐血并治淋瀝小便不通

用船底青苔晒乾為末三歲一錢藕節汁入蜜少許  
調下淋瀝木通湯調下

獨聖散治小兒吐血嗽血

用赤芍藥為末取生地黃藕汁入蜜少許調下食後  
服又方桔梗煎湯調下及治衄血下血

雙黃散 治小兒吐血百治百瘥十無一失

用大黃為末取生地黃汁微煎入蜜調下量大小加減三兩服立效又一方以白膠香為末新汲水調下桂心膏 治小兒十歲已上久吐血氣虛胸膈不利用桂心為末取生地黃汁薑汁蜜等分熬稠為丸如雞頭大十歲兩丸取藕汁入蜜白湯化下一方為末藕汁蜜調和服之三歲小兒服半錢亦治便血名桂心散

生地黄汁方 治小兒吐血衄血

用生地黄汁取一合髮灰半錢調分作兩服食後少頃灌之

治小兒吐血不止

用黃連去鬚一兩搗為散每服一錢水七分入豉二十粒同煎至五分去滓溫服量兒大小加減

治小兒積熱攻肺卒吐血

用刺薊花曝乾不拘多少搗為末每服黃牛乳調下

一錢七日三服

治小兒吐血心躁煩悶

用刺薊自然汁一合煖令溫不計時候調下元明粉  
半錢量兒大小加減

又方

用亂髮燒灰細研每服以溫水調下一字

備急方 治吐血

即研藕汁或蘿蔔汁灌下即止次用小柴胡湯加生



地黃煎服

治小兒吐血不止

以蒲黃細研每服半錢用生地黃汁調下量兒大小  
加減進之

鼻衄 附論

凡小兒體本挾熱舍於經絡血脉揚溢則為鼻衄蓋血  
與氣循行經脉通於臟腑邪熱乘血得熱則妄行隨  
氣上溢出於鼻者為鼻衄血虛受熱散漫失度出於七

竅者為大衄 小兒傷寒鼻衄者由熱搏於氣而乘於血肺候身之皮毛而主氣開竅傷寒先客於皮膚搏於氣而成熱熱乘於血血得熱即流散發從鼻中為鼻衄也凡候熱病如應衄者其人壯熱頭痛發汗不出或未及汗而鼻燥喘息鼻氣鳴即衄也凡小兒衄半升或數合者即因內熱得之若出一二升已上不止者即死

方

生地黃煎 治小兒鼻衄不止

生地黃

半觔取汁

刺薊

半觔取汁

杏仁

一兩湯浸去皮尖麤炒別研

蜜

一合

阿膠

半兩搗碎炒令黃燥為末

右都入銀鍋內以慢火熬為膏不計時候用新汲水調下一錢量兒大小加減服之

地黃湯 治榮中有熱及肺壅鼻衄生瘡一切丹毒

生地黃 赤芍藥

當歸

去蘆淨洗

川芎

各等分

右咬咀水煎去滓大小以意加減鼻衄臨熟入生蒲黃少許生瘡疥遍體加黃芩一味等分同煎丹毒加

防風去蘆等分同煎用之累驗

藥皮湯 治小兒衄血至一二升悶絕

藥皮

一兩 梔子一兩 甘草一兩

右咬咀三歲一錢水半盞煎至三分去滓服一方剪

金花莖葉陰乾水煎服之又方白芨末調塗鼻上并  
顙門立止又方草麻葉塗油炙熱熨兒顙上血止

槐花散 治衄血

槐花

一兩 炒

蒲黃

半兩

川薑

一分

右搗羅為細末每服半錢新水調下

抵聖散 治不以疾病鼻衄不止

盆硝

研

亂頭髮

燒灰研

紅藍花

各等分  
為末

右同研勻細以綿纏搵藥塞鼻中

柏枝散 治小兒衄血吐血

柏枝

乾者藕節

乾者

右等分為末三歲半大錢藕汁入蜜沸湯調下一方

白芍藥為末磨犀角汁調治咯血衄血又方龍骨為

末吹鼻治衄血吐血咯血用藕汁調下半錢又方治吐血不止及唾血蒲黃冷水調生地黄汁亦可

龍膽丸 治小兒衄血不止

黃連 龍膽草

右等分為末糊丸如小豆大三歲三十丸或作散子以濃鹽水送下三黃丸效一方研好墨滴鼻中一方燒頭髮吹鼻內茅花湯亦得

石粉散 治小兒衄血日夜不止頭痛心煩

寒水石 煨 牡蠣 煨

右等分為末三歲半錢冷水調下連進二服一方人中白燒灰為末吹鼻立止一方青竹茹燒灰入麝香吹鼻立效一方蒜去皮研細攤餅子如錢大厚一豆許左鼻出血貼左足心繫定右亦如之兩鼻出血兩脚如之血止即洗去

龍肝散 治小兒壅腫鼻衄下血夜啼臍濕火丹赤遊腫湯火熱油瘡等證

用竈心土名伏龍肝經十年以上者為末醋調塗腫  
處鼻衄入蜜水調服腸風下血米湯調服嬰兒夜啼  
鉤藤湯調下少許臍中瘡濕久不瘥乾火瘡用屋漏  
水調塗冷水亦可赤遊腫行於身上至心即死雞子  
白調塗一方治湯火灼陰瘡石灰水調塗一方治衄  
釜底墨灰吹鼻即止一方治熱油湯火燒痛不可忍  
石膏末傳之又白石脂火煨為末傳并治臍中汁出  
赤腫



治春冬衄者 此乃血熱不循經而壅從鼻出也血隨

其氣而肺主氣屬鼻故自鼻出而衄蓋榮衛者血氣之循位苟或血熱不循經氣盛而上升則血壅從鼻

中出也

出永類  
鈴方

用生地黄細研取汁加生蒲黃少許沙糖井水浸服之愈

治秋夏鼻衄

用車前草一握洗淨研取自然汁同生薑一處研取

汁入生蜜一匙先用滓塞兩鼻次用新汲井水和蜜并車前草薑汁飲之即愈凡有此候皆由榮熱可服涼血地黄湯若傷寒証小柴胡煎入地黄汁服妙治小兒鼻衄不止者急以生蘿蔔取根搗自然汁仰頭滴入鼻管中即止次以新汲水和蘿蔔汁薑蜜飲之良

治小兒心肺蘊熱及心血妄行鼻衄出血不止良方

用故藤紙被一片作撚子包麝香燒熏入鼻或吹鼻

中又令患人吸呷尤佳故藤紙被舊亦得或燒內小  
瓶中留性用酒調下量兒大小與服極妙

黃芩膏 治小兒衄血吐血下血

用黃芩為末煉蜜丸如雞頭大三歲一丸濃鹽湯下  
一方石榴花為末吹鼻治衄血吐血一方定州堯器  
末治吐血下血破血

又方 治鼻血久不止

用剉耳入鼻立效又治小兒面目卒得黑丹如芥狀

不急治遍身即死以猪脂調塗之即愈

玉屑散 治小兒中熱積驚及時疾後鼻衄

寒水石

研

馬牙硝

研各一兩

貝母

去心

知母

各一兩半

荷葉

一兩

水煮七  
火焙

右搗研為細散每半錢蜜水調下食後服

茅根湯

出活幼  
口議

治小兒傷寒後有後証忽然鼻中出血

五七歲以上至大人亦有此証為紅汗為不曾解表

其汗原出於血故從鼻中出者自解

生地黃汁

生蜜

酒

各一小蓋

茅根

一握搗煎汁如稠糖

右同煎一盞相和溫服一小盞立效

立應散

出聖惠方

治傷寒血熱妄行血衄不止

蒲黃

研

乾葛根

石榴花

各半兩

右為細末每服半錢取生地黃汁勻好服一方無葛

根用新汲水調服

治小兒傷寒鼻衄已經數日不止

出聖惠方

生地黃汁

一小盞

白蜜

一小盞

蒲黃

一兩

右相和微煖過每服半盞量大小加減頓服

治小兒傷寒壯熱鼻衄不止

出聖  
惠方

用生地黃二兩對於銀器中以酒一中盞煎至七分  
去滓不計時候分溫三服

又方

出聖  
惠方

用生葛根汁一小盞分作二服即止

治小兒傷寒鼻衄數日不止

出聖  
惠方

用亂髮燒灰細研頻頻吹少許於鼻中良

九竅出血

方

膠黃散

出全  
嬰方

治小兒大衄口鼻耳出血不止十五六歲

兒陽盛多此病

阿膠

一兩  
炒

蒲黃

半兩

右為末三歲半錢生地黄汁微煎調下以帛急繫兩乳頭隨血左右兩竅俱出並繫兩乳

刺薊散

出全  
嬰方

治小兒九竅出血

用刺薊一握絞汁入好酒一合和服如無青者乾者為末冷水調下三歲一錢

痔

附論

夫痔者有牡痔脉痔腸痔血痔牝痔皆因酒食勞傷過度損動血氣所生小兒未有虛損而患痔者是大便有血出腸內有結熱故也

方

鼈甲散

出聖惠方

治小兒痔疾肛邊生結核疼痛寒熱



鼈甲

一兩醋炙黃去裙襴

蛻皮

一兩炙黃蛇皮

三分燒灰

露蜂房

半兩微炙

猪懸蹄甲

七枚炙黃

檳榔

三分麝香

一分細研

右搗細羅為散入麝香研勻每服食前以粥飲調下

半錢量兒大小加減

桑木耳散

出聖惠方

治小兒痔疾久不瘥肛邊痛痒

桑木耳

微炒

蛻皮

炙黃

當歸

炒

羌活

已上各半兩

枳殼

一兩微炒

右藥搗細羅為散每服以粥飲調下半錢日三四服

量大小加減

龜甲丸

出聖惠方

治小兒痔疾結硬焮痛不止

龜甲

二兩

蛇蛻皮

一兩

露蜂房

半兩

麝香

一分

猪

後懸蹄甲

一兩

右細羅為散入麝香研令勻每服以溫酒調下半錢

日三服量大小加減服之一方無麝香忌生冷以粉

和丸

槐蛾散

治小兒痔疾下血不止熱毒流注發渴疼痛

槐蛾

側柏

炙

荊芥穗

棕櫚

燒

黃牛角腮

燒

膝

去苗炙已  
上各半兩

右細羅為散每服以粥飲調下半錢日三四服量兒  
大小加減服之

蛻皮散 治小兒痔疾下血大腸疼痛

蛻皮

炙

枳殼

去穢  
麩炒

木賊

當歸

炒

槐蛾

炒各  
一兩

右細羅為散每服以粥飲調下半錢日三四服量大

小加減

櫟樹菌子丸 治小兒痔下血不止肛邊生鼠乳疼痛

檳樹菌子

一兩蝦蟇

一枚炙黃

葫荑子

黃牛角腮

各一兩炙

鰻鱓魚頭

一枚炙黃

右羅為末以前白膠香水和丸如彈子大用瓶內如裝香法燒一九薰下部瘡

治小兒痔疾下部痒悶慰藥方

枳實

二兩麩炒

鬼箭羽

木香

鬼臼

已上各一兩

右搗為散以頭醋和勻炒熟用青布裏熨日三用

槓藤子散

治小兒痔疾下血無時

槭藤子

一枚去殼炒

皂莢子

一伯枚與槭藤子穰同酥炒黃

牛角腮灰

醋石榴皮灰

各半兩

右細羅為散每服以溫酒調下半錢日三四服量兒

大小加減服之

雞冠散 治小兒痔疾下血不止

雞冠花

一兩焙香

棕櫚

二兩燒灰

羌活

一兩

右細羅為散每服以粥飲調下三錢日三四服量兒

加減

黃耆散 治小兒痔疾下血不止

黃耆

枳殼

去穰  
麩炒

側柏葉

各一兩  
炙黃

右細羅為末每服以粥飲調下半錢日三四服量大

小加減服之

治小兒痔疾下血發歇不止

荊芥 薄荷

枳殼

去穰  
麩炒微  
黃各一兩

右羅為末每服以粥飲調下半錢日三四服量兒大

小加減服之

木賊丸 治小兒痔疾痛不可忍

木賊

一兩

榼藤子

一兩 去殼 塗酥炙黃

烏賊魚骨

二兩

右羅為末煉蜜和丸如菴豆大每服以溫酒下五丸  
不計時候量兒大小以意加減服之

治小兒痔疾疼痛腫硬不消宜用坐藥方

蛇床子

半兩 為末

荊芥

半兩 為末

蝸牛

十二枚

右研爛塗紙上每發時先用白礬熱水洗痔頭後用  
被褥上安藥紙坐三兩上瘥

槐子丸 治小兒痔疾鼠乳生肛邊煩熱疼痛

槐子

一兩  
微炒

黃芩

一兩

槿藤子

二枚去殼  
炙令黃

右羅為末以水浸蒸餅和丸如菉豆大每服以桑耳

湯下五九日三四服量兒加減

穿山甲散 治小兒痔生肛邊如鼠乳及成瘡痛楚至

甚宜服

穿山甲

二兩炙  
令黃

麝香

半分  
細研

右搗研令勻細每服於食前煎黃耆湯調下半錢量



兒大小加減服之

治小兒腸痔下血不止方

榼藤子

三枚  
大者

右以七八重濕紙裏煨良久起出去殼用肉細切碾  
為散以黃耆湯調下半錢量大小加減

又方

用牛角腮二兩炙令黃焦搗羅為末每於食前以溫  
酒調下半錢量兒大小加減

又方

用蝟皮細剉於瓶內燒煙薰痔瘡上

普濟方卷三百八十九

欽定四庫全書

普濟方卷三百九十

明 周王朱橚 撰

嬰孩心腹痛等疾門

心腹痛

附論

夫小兒心腹疼者證候多端不可概舉有蟲動作疼面  
變五色口吐清水或涎沫或合眼哭叫仰身撲手心神  
悶亂沉沉嘿嘿者是也宜先喫史君子次服官局化蟲  
丸 小兒飲食不節或食冷硬肥膩甘甜過度傷飽不

能尅化停積於臟或因冷氣所觸故作疼痛診其脉沉細者乃積也輕則荊三稜莪茂橘皮縮砂重則取利非巴豆硃砂乾漆不可止也又有氣痛或因怒而得或傷風冷之氣或因體虛臟寒而作疼診其脉弦緊者是也當用木香紫蘇沉香青橘皮之屬大人小兒皆可服四磨飲子沉香木香檳榔烏藥又有一般心疼大人小兒多患凡有此疾無藥可療急用艾灸足大拇指節中男左女右無問大人小兒又有一種勞瘵尸蟲作痛食不

知飽人形羸瘦五心煩熱或骨蒸潮熱宜服金露丸小  
兒心痛者不起於心乃邪氣客於心主之脉夫少陰者  
心也五臟六腑之所主精神之所舍其臟堅固邪不能  
干干之即傷心傷心即神去神去即死矣故諸邪在於  
心者皆在於心包絡脉包絡脉者心之別脉也故少陰  
不病夫心痛者厥氣上逆痞而不散或傷寒氣冷邪搏  
於經絡故發心痛也 小兒腹痛者多由冷熱不調冷  
熱之氣與臟氣相擊故為痛也其熱痛者則面赤或壯

熱四肢煩手足心熱是也冷而痛者面色或青或白甚者乃至面黑脣口爪甲皆青是也

方

沉香煎丸 治小兒嘔逆心腹疼痛化水穀消積聚

沉香

對

丁香

木香

胡椒

沒藥

研

丹砂

研水

高良薑

檳榔

麩裏煨熟去麩對

硫黃

研水飛

硃砂

揀淨水飛慢火

炒熟乾各一兩

青橘皮

去白焙一兩

縮砂仁

去皮

吳茱萸

湯浸乾阿

魏

醋浸研澄去砂和麩作餅子炙焦各半兩

巴豆

去皮心膜研出油盡一分

右搗各研為末和勻煉蜜丸如菉豆大以瓷合收

封每服十九食前臨卧服生薑橘皮湯下量虛實大

小加減

寬中湯 治小兒心腹疼痛不可忍者

高良薑

木香

各半兩

丁香

桔梗

青皮

甘草

各一分

右為細末每服半錢溫酒調下

蓬莪茂丹 治小兒心腹疼痛不可忍

蓬莪朮

炮

當歸

洗各一兩

木香

人參

桂心

各半兩

黑

牽牛

一分炒黃

右羅為細末白麴糊和丸如黍米大每服十粒生薑湯下量兒大小加減服之

參香丸

治小兒心腹痛并腸冷便青腹急痛

乳香

木香

石菖蒲

人參

良薑

炒各等分

右為末酒糊丸如小豆大一歲五九米湯下

治小兒心腹痛



用三月三日桃花取曬乾杵末以水服半錢

治小兒卒心痛腹脹堅如石滿氣喘息

用好鹽如雞子大漿水三升煮取三沸攪消分為  
三服

紫沉消積丸 治小兒心痛

沉香

剉

硃砂

各四兩

阿魏

巴豆霜

各一兩以上研別為末用蜜一

勸酒化  
熬成膏

丹砂

研

丁香

乾薑

炮各二兩

硫黃

研

青橘皮

湯浸去  
白焙

高良薑

檳榔

剉

木香

人參

胡椒

桂

去粗皮  
各四兩

右除前膏外一十一味搗研為細末入前膏和搗丸如棗豆大以瓷合收密封每服二丸食前橘皮湯下量兒加減

桃仁湯 治小兒冷邪氣攻心痛不欲飲食

桃仁

三七枚浸去皮  
尖雙仁炒黃

厚朴

去粗皮薑汁炙一兩

人參

麥蘖

炒各半兩

陳橘皮

去白焙一分

檳榔

半兩附子

炮裂去皮臍

桂

去粗皮

當歸

焙各一兩

右麝搗篩三歲每服半錢水半盞煎至三分去滓不計時候溫服更量兒大小加減

硃砂九 治小兒積氣冷氣心痛

硃砂

二錢乾漆

微炒

五靈脂

胡椒

桂

去粗皮

荆三稜

炮

蓬莪茂

炮各一兩

斑猫

二十一枚去翅足炒

巴豆

二十一枚去心皮膜煮出

油研

右為末研令勻醋煮麪糊和丸如黃米大一二歲每服五九三四歲每服七九橘皮湯下餘以意加減

治小兒未滿百日患腹痛

豚子卵

一枚當歸一分

右用水三升煮取七合塗乳頭上令小兒飲以意加

減

獨聖散 治小兒頭疼心疼

用當歸近尾半節為末酒調服半錢亦治大人如嬰  
兒夜啼乳汁調下少許即瘥

蓬莪茂散 治小兒心痛發渴不定

蓬莪茂 人參 桂心 黃芩 生乾地黃 木

香 甘草

炙各一分

右為散每服不計時候以橘皮湯調下半錢量兒大

小以意加減

芍藥散 治小兒心痛但覺兒將手數摩心腹即啼是心痛不可忍宜服

赤芍藥 人參

去蘆

白木

黃芩

川大黃

炒

當歸

各一分

右為散每服一錢以水一盞煎至五分去滓不計時  
候量大小分減溫服

檳榔散 治小兒冷氣心痛不可忍不能飲食

檳榔

三分

當歸

焙一分

蓬莪茂

三分

木香

焙二分

吳茱萸

一分

洗

阿魏

一分

麪煨

熟為度

右為散二歲每服半錢溫酒調下不計時候

葷撥散 治小兒心疼不可忍

葷撥

一分

胡椒

一分

桂

去皮一分

木香

半兩

當歸

焙三分

桃仁

去皮

皮

尖半  
兩炒

右為細散一二歲每服半錢溫酒調下不計時候

麝香丸 治小兒心痛面色青黃不欲飲食

麝香

細研一分

檳榔

陳橘皮

去白焙

白豆蔻

去殼

吳茱萸

洗  
木香  
各一兩

右將吳茱萸米醋煮一二十沸後掘地坑可安茱萸  
以炭半秤燒坑令通赤以醋半盞及茱萸入坑內用  
瓷碗蓋之四面以炭擁勿令泄氣候冷取出與前藥

一處搗羅為末入麝香和勻醋煮麪糊丸如黃米大一二歲每服五丸四歲七丸溫酒調下不計時候

桃仁湯 治小兒心痛不可忍

桃仁

去皮麩炒研

赤芍藥

桔梗

炒

桂

去皮

甘草

炙各半兩

右為末與桃仁同研每服一錢水一盞煎至半盞去

滓溫服量大小加減不拘時服

木香湯 治小兒心痛亦治手足不和

木香

良薑

各一分炒

白朮

半兩

桔梗

炒半兩

兩

白茯苓

去皮半兩



一方  
用赤

右粗搗篩一二歲每服一二錢水一盞煎至五分去滓溫服發時併喫量大小加減

胡椒丸 治小兒心痛

胡椒

四十粒 檳榔 一枚

斑猫

去翅足

右為細末燒粟米飯為丸如黃米大一二歲每服三丸三歲已上五丸煎菖蒲湯下

青橘皮散 治小兒傷冷腹痛

青橘皮

湯浸去白

桔梗

去蘆

赤芍藥

各半兩

右為散每服一錢以水一小盞煎至五分去滓不計時候量大小加減溫服

桂心散 治小兒心痛不止

桂心

半兩

當歸

半兩炒

梔子仁

半分

右為散每服不計時候以橘皮湯下半錢量兒大小以意加減

薑黃散 治小兒心痛

薑黃

檳榔

判

右等分搗羅為散溫酒調下一二歲每服半錢已下  
餘以意加減

鼈甲丸 治小兒腹痛不可忍

鼈甲

醋炙黃  
去裙襴

防葵

訶梨勒

煨用  
皮

川大黃

炒

人參

去  
蘆郁李仁

湯浸去皮  
尖研炒

當歸

微炒各  
半兩

右為末煉蜜和丸如菉豆大以粥飲下五丸得微利  
瘥不計時候量大小以意加減

溫胃丹 治小兒腹痛啼哭不止

人參 白朮 木香 各一兩 高良薑 當歸 五味

子 各半兩

右為末麪糊丸如黍米大每服十粒米飲下

橘皮散 治證同前

青皮 炒 木香 吳茱萸 當歸 各一兩 乾薑 丁香

各半兩

右為細末每服一錢水八分生薑二片煎五分去滓

溫服食前服

人參散 治小兒卒吐下腹痛不止

人參

半兩  
去蘆

當歸

半兩  
炒

甘草

一分  
炙

乾薑

一分  
炮

黃耆

細辛

各一分

右為末每服一錢以水一小盞煎至五分去滓稍熱服量兒大小以意加減頻服

治小兒傷冷腹痛

木香 高良薑 白朮

人參

去蘆各一分

厚朴

半兩  
去粗

皮薑汁

炙熟

右為散不計時候以粥飲調下半錢量大小以意加

減

當歸散 治小兒冷熱不調腹內多痛

當歸

炒

枳殼

麩炒  
去穢

赤芍藥

川大黃

炒各  
半兩

右為散每服一錢以水一小盞煎至五分去滓放溫  
服量大小加減凡脾家疼痛者皆因胃虛不究病源  
多用和養等劑以致掩蔽邪氣蓋腹痛多因邪正交

爭與臟氣相擊而作也受證非一夾熱痛者壯熱面赤或四肢煩手足心熱藥宜四順飲加青皮枳殼夾冷痛者面白或青甚者面黑唇口爪甲皆青藥宜五積散重者理中湯冷熱不調邪正交爭宜枳殼湯加青皮陳皮木香官桂當歸有積傷脾則面黃腹脹夜熱晝涼宜服紫雙丸去其積風冷入脾則脾胃積冷中滿疼痛荏苒歲月不可測識宜和劑抽刀散以伐其根脾間蛔痛則乍作吐嘔清沫宜檳榔丸主之

三稜散

益智

炒去殼

三稜

莪朮

青皮

炒

香附子

青木

香

砂仁

各半兩

甘草

二錢半

右咬咀薑煎服次與保童丸之類微利取效也

治小兒心腹胃腸煩悶欲死

用燒雞子殼末酒服方寸匕

瘡疾

附論

夫時氣者是四時間或有非節之氣如春或寒夏或冷



秋或熱冬或溫其氣傷人為病亦頭疼壯熱與傷寒相似其面黃者熱搏於胃脾胃停滯則發黃也治法亦如傷寒重用解肌湯表之輕用七寶散而又有時氣兼瘧者是日數未滿體常壯熱而邪不退此方失表故也或乘於陰或乘於陽其乘於陽陽爭則熱其乘於陰陰爭則寒陰陽之氣互相乘加故發熱成瘧也又譌曰瘧病是邪成陰陽各關爭早期風府會晏發脊俞停行速連朝發來遲間日迎小兒還有此不用問神明風寒暑濕

邪自外來飲食居處邪自內作湯氏曰是蓋外因感受邪氣客於皮膚達於經絡內因停積飲食痰飲會於臟腑此瘡疾之胚胎也楊氏曰豈特夏傷於暑秋必為瘡哉蓋古人以暑受病最多言之耳夫瘡者始而呵欠繼而足冷面色青黃身體俱急寒慄鼓顫腰脊俱疼寒去未幾內外皆熱頭痛而渴但欲冷嘔惡煩悶而不嗜食或內伏寒痰寒從背起冷如掌大瘡之寒熱豈非陰陽二氣互相勝負而作哉邪併於陰則寒邪併於陽則熱

陰盛則寒多陽盛則熱熾其寒也湯火不能溫其熱也  
冰雪不能寒衛氣與邪氣交爭病以作邪氣與衛氣相  
離故汗出乃解而病以休衛氣晝行陽夜行陰得陽而  
外出故發於日間得陰而內搏故發於暮夜或隔日或  
兩日三日一發乃衛氣行疾行遲耳若內外失守真邪  
不分陰陽迭勝寒熱互起則休作無定時矣聖惠曰凡瘡  
疾欲解則有汗出汗出多則津液減耗又熱乘於臟則  
虛躁故渴而欲冷張秘教曰若病瘥無汗非也夏傷於

暑秋或痲瘡小兒血氣壅勝內挾實熱因犯暑邪客於皮膚分肉之間至秋為風冷所折陽盛於外陰長於內陰陽相搏發而成瘡先寒後熱者寒瘡也先熱後寒者溫瘡也熱而不寒者癰瘡也若汗出過多亡陽而渴當節其飲多飲而小便澁則變為飲癖矣楊氏曰其脉弦數者多熱熱則涼之弦遲者多寒寒則溫之浮弦浮緊浮數其邪在表宜汗弦實沉實數實其邪在裏宜下大抵瘡之初得一二日間如火燎原不可向邇波濤洶湧

未易迴瀾當俟其稍定而圖之所謂盛者待其衰也瘡  
方來與正發及將解不可投藥耗其真氣藥病相忤當  
於未發已前兩時之內或遇發日凌晨服之瘡有數種  
治法不同寒熱似瘡此傷寒二証非瘡也必肝脉脹盛  
頭痛惡風宜小柴胡湯加青皮紫蘇主之嘔者多用生  
薑瀉者加烏梅若兼之傷暑小柴胡加香薷入生薑烏  
梅煎但寒熱之間非通利不能除根也當以四順飲加  
常山神保丸治乃先解後攻之意吐汗下三者治瘡總

要不過汗吐下當下而不盡腹中餘疼或一利之後不復再泄時時點滴而出者須以常山大黃再下之當汗而汗不匝者或頭汗至胷而手足無者宜青皮佐紫蘇汗之令周浹一身也當吐宜常山須出盡水飲瘡利用常山罌粟常山治瘡每每作效蓋瘡家多蓄黃水以常山能攻其癖下其水也罌粟治痢蓋已經取積日久下痢腹中無痛腸胃滑泄以罌粟能澁腸也用常山須用大黃為佐大便點滴似泄不泄須用大黃佐之收效如

發瘧嘔者及嬰孩中年人虛者勿用常山吐之凡瘧證  
寒熱不歇有根又瘧宜別風寒暑濕治之汗下吐法古  
今不可違活人書格法治之久不愈者有根在也根者  
何曰痰飲曰水飲曰敗血曰積癖惟癖為瘧之母惟敗  
血為暑熱之毒惟水惟飲皆生寒熱故暑之脉沉積癖  
之脉弦結聚則脇腹必痛蓋巴豆功能下積常山能吐  
利痰水大黃能蕩滌血熱隨證用之瘧瘵再病愈已後  
飲食失節恚怒傷中解脫傷風乳哺過飽又再發者熱

多二陳湯加青皮甘草熱少二陳湯加青皮草菓堅守  
胃氣並用生薑烏梅煎空心服之更用巴豆九子疎利  
大便以泄毒氣何病之有或服巴豆過多滑痢腹痛煎  
甘草生薑湯解之 巢氏病源夫風邪所傷客於皮膚  
而痰飲積於臟腑致令血氣不和陰陽交爭若真氣勝  
則邪氣退邪氣未盡故發瘡也邪氣雖退氣血尚虛邪  
氣干於真氣臟腑壅痞熱氣未散故餘熱往來也瘡後  
熱渴引飲者蓋臟未和津液未復故也若寒熱往來而



腹痛者蓋臟虛本挾宿寒邪入於臟為寒相搏而擊於  
臟氣故也。哥曰瘡後因何渴皆因臟腑虛熱今多飲水  
結塊腹中居又哥曰邪入皮膚裏還從臟腑巡陰陽多  
競鬪寒熱往來頻腹內元因冷仍為痛所因實加邪熱  
盛脇滿少精神大小便應澁痞結病尤沉先有脾家冷  
聞食不開唇肌肉因茲瘦血氣不榮身若問如此病莫  
遣久沉淪仙人水鑑治嬰兒瘡哥瘡是邪風寒熱攻宜  
須速治免成空常山刻作人形狀丁釘孩兒生氣宮朱

氏集驗方凡瘡疾多是痰實痞塞不通脾氣虛弱蓋熱上停胃膈不能入於臟腑凡用五更令服蓋使藥下達於脾胃消痰實降虛熱

方

露星散飲 治久瘡成勞

秦艽 柴胡 白朮 白茯苓 檳榔 恒山

黃芩 甘草 半夏麴 官桂

右等分咬咀每服三錢酒醋各一半煎露星月一宿

次日早服再溫去滓大人小兒皆可服陳舍人令嗣  
久瘡服驗一方用薑三片

通神餅 治截瘡有功

甘草末

錢三

菉豆末

敗荷葉

錢各三

砒霜

生半分

硃砂

一錢半

定粉

錢半

腦子

麝香

許各少

金銀箔

片十

右煉蜜丸如梧桐子大作餅子用一歲半丸或一九  
大者二九而止一日只一服不可過多時用井花水  
或柳桃枝煎水磨化服服後忌煎燒熱食亦可繫於

候脉處

恒山飲 治一切瘧疾

恒山 人參 白茯苓 草薺 知母 貝母

甘草

炙

半夏麴

厚朴

薑汁浸一宿取出  
炒黃已上各等分

右咬咀每服二錢水大半盞生薑三片棗子一枚同煎至二分去滓空心服忌雞羊牛肉生冷等物一方有前胡無貝母脾虛氣弱常山作吐須審之

牡蠣散 治小兒痰瘧發無時

牡蠣粉

半兩

知母

一分

恒山

半兩

烏梅肉

半兩

人參

半兩

鼈甲

三分去裙襴醋炙

升麻

一分

甘草

炙一分

豉心

桃仁

各一

分去皮炒

右為散每服以溫酒調下半錢日二服量大小以意

加減

升麻湯

治小兒瘡疾發後煩熱

升麻

常山

大黃

炒

蜀漆

姜蕤

黃芩

去黑心

桂

去皮各一兩

芒硝

一兩

右粗擣篩五六歲每服半錢水半盞煎至三分去滓  
發時溫服吐利為效量大小加減

知母丹 治發熱甚者

知母炒 鼈甲酥炙 大黃炒 赤茯苓各一兩 芒硝 升麻

各半兩 硃砂另研 龍腦一錢研

右為細末煉蜜和丸如黍米大每服五粒至七粒生  
薑湯下大便利下即愈量大小加減

犀角散 治小兒熱瘴氣為瘡

犀角屑

半兩

鼈甲

一兩

酥炙  
去裙襴

柴胡

去苗  
三分

知母

甘草

炙各  
半兩

川大黃

半兩  
炒

恒山

三分

右為散每服以水一小盞煎至五分去滓溫服日三

四服量大小以意加減

桃仁散 治小兒瘡疾發渴寒熱小便赤黃宜服

桃仁

三分浸  
去皮尖

知母

半兩

鼈甲

一兩酥炙  
去裙襴

柴胡

赤苓

三分  
川升麻

半兩

黃芩

半兩

甘草

炙一分

右藥為散每服一錢以水一小盞煎至五分去滓溫

服日三四服量大小加減

蜀漆九 治小兒久瘧不斷胃腸下痞堅

蜀漆

一分

杏仁

一分去皮  
尖麤炒黃

黃連

一分

桂心

一分

甜葶

一分

川芒硝

半兩

川大黃

半兩  
炒

右為末煉蜜九如麻子大每服以粥飲下五九日三服量大小加減

鎮心化痰九 治瘧疾痰多

南星 半夏 白礬 白附子 杏仁

去皮  
尖炒

鐵孕



粉 巴豆 去心殼 去油 鉛白霜

右皆生用成末爛飯為丸如菉豆大硃砂為衣每服  
三二十九葱白薄荷湯下一二服必利間以進食九  
利積為妙

草菓飲

草菓 白芷 良薑 青皮 川芎 紫蘇葉

甘草 炙等分

右修淨剉水煎服楊氏治寒瘡加白薑一處同煎一

方加薑棗

大青湯 治小兒諸瘡

當歸

焙一分

赤芍藥

兩半

大青

鼈甲

醋炙去裙襖各半兩

茵陳

蒿麻黃

去節煎去沫焙各一分

猪苓

去黑皮一分

右粗搗篩每服半錢水半盞煎至三分去滓溫服日

三服更量大小以意加減

當歸湯 治小兒瘡疾身體壯熱增寒發作有時

當歸

焙

赤芍藥

柴胡

去苗

鼈甲

醋炙去裙襖

大黃

炒

甘

草

炙各一分

桃仁

去皮尖雙仁  
麩炒半兩

右麤搗篩五六歲每服半錢水半盞煎至三分去滓

溫服日三服量大小加減

柴胡湯

治小兒瘡發寒熱腹脹下痢嘔逆黃瘦

柴胡

去苗一分

枳殼

去穰麩炒二枚

黃芩

去黑心一兩

訶梨勒

大者一兩

取皮用

甘草

炙

芍藥

半兩

知母

焙各半兩

右粗搗篩每服一錢水七分煎至四分去滓溫服

萬金丹

一名砒霜九

治痰盛挾積寒熱往來瘡久不瘡累發

不定

阿魏

一錢麝香慢火煨麝香為度

真砒霜

一錢醋半盞慢火熬醋盡為度

巴豆

七枚去皮心膜紙裏壓去油

硃砂

一分研已上用細研勻次用

丁香

木香

各半

兩

相思子

二十七枚另搗羅為細末

右都一處研細煉蜜和丸如黍米大每於未發前新

水下一二丸每一歲加一粒十歲以上者止十粒一

方無木香有恒山

桃仁湯 治瘡疾

桃仁

去皮尖炒黃

鼈甲

酥炙微黃各一兩

桂心

黃芩

各半兩

升

麻

赤茯苓

各半兩

右為粗末每服一錢水一盞煎五分去滓溫服大小

加減

烏梅丹

治發寒甚者

烏梅

焙一兩

母丁香

桂心

當歸

乾漆

微炒各半兩

麝香

一分另研

右拌勻煉蜜和丸如黍米大每服十粒粥飲下量大

小加減

乾漆散 治小兒七八歲患瘡疾發歇寒熱心煩或渴

乾漆

一分炒  
煙出

川大黃

一分炒

恒山

半兩

石膏

一兩研

甘草

炙半兩

右為散每服一錢水一小盞入小麥三十粒煎至五分去滓放溫發前服量大小加減

防葵散 治小兒瘡發後肚脹無頭面浮腫宜服

防葵

半兩

柴胡

去苗

桑根白皮

川大黃

炒各半兩

甘草

一兩炙

分

右為散每服一錢水一小盞煎至五分去滓溫服日  
三服量大小加減

茅先生鬼哭飲 治小兒瘡疾久不愈者

常山 大腹皮 白茯苓 鼈甲醋炙 甘草炙

右等分除甘草鼈甲炙外三件不得見火為末用桃  
柳枝各一七寸同煎臨服服畧吐涎不妨

知母散 治小兒痰熱發瘡

知母 鼈甲

醋炙去裙襖各一兩

牡蠣粉

恒山

各半兩

右搗細羅為散每服以粥飲調下半錢日三服量大

小加減

黃丹丸 治小兒瘡寒熱發歇不定

黃丹

炒人參

鼈甲

醋炙去裙襖

恒山

各半兩

右為末煉蜜丸如菉豆大每服於未發前以冷水下

一九三歲已上三九

恒山丸 治小兒瘡疾發時壯熱增寒面色青黃飲食



不下

恒山 川大黃

炒

甘草

炙

麝香

細研各半兩

右為末入麝香令勻煉蜜丸如梧桐子大每臨發前以煖水下二丸三歲已下即服一九

朱氏四聖散 治小兒患瘧疾才發十數次不可妄用

截藥乃因諸毒入於脾胃生冷傷於中脘或先寒後熱或先熱後寒或一日或兩日寒則肢體顫掉熱則滿身如火頭疼惡心煩渴引飲口苦咽乾背脊酸疼

胃膈停痰腹鳴腹痛裏急後重欲作痢疾陰陽不分  
宜服此藥消導暑氣表解陰陽化痰涎除寒熱服之  
累效乃撫州蕭世榮刻印施傳之方

生料五苓散 不換金正氣散 小柴胡湯

加桂枝

養胃湯

右合和大小加減薑棗煎空心熱服滓再忌生冷毒  
物及飢飽勞役風寒露雨

松蘿散 治小兒瘡胃膈間痰涎發歇寒熱宜服

松蘿

三分

恒山

一分

甘草

三分

右為散每服一錢水一小盞煎至五分去滓溫服量  
大小以意加減以吐為度不吐再服

恒山丸 治小兒瘧疾

恒山

一兩末

白蠟

半兩

雞子

一枚

右敲雞子去黃用清與恒山末拌和令勻於瓷碗中  
鎔蠟都拌和以綿幕碗口坐甌中蒸三遍取出丸如  
麻子大每服以粥飲下五丸當吐即瘧量大小加減

溫服

黃丹丸

治小兒瘧疾發歇寒熱體顫

黃丹

半兩炒

恒山末

半兩

虎睛

一雙酒炙黃

右同研煉蜜丸如桐子大每未發前溫水下二九五

歲已下可服一丸

烏梅湯

治小兒瘧發作不定多煩心躁

烏梅肉

炒

常山

各半兩

甘草

炙三分

右粗搗篩每服一錢水一盞入竹葉五片小麥三十

粒同煎四分去滓溫服量大小加減不拘時候

恒山湯 治小兒溫瘧

恒山

一兩切

小麥

二合

淡竹葉

一升切

右以水一升半煮取五合三日至五日兒一合為三服八日至十日兒一合半為三服十六日至二十日兒二合為三服四十日至六十日兒六合為三服六十日至百日兒一服二合半百日至二百日兒一服三合

牛黃丸 治小兒瘧疾煩熱

牛黃 杏仁 湯浸去皮尖麋  
炒黃各一分

右同研如膏煉蜜丸如麻子大每服以溫水下三丸  
日三服量大小加減

大蒜丸 治小兒瘧疾必效

獨顆蒜 一枚  
去心 巴豆 一枚  
去皮

右取巴豆內蒜中用濕紙裹煨令熟搗如膏如麻子  
大每服以醋湯下一丸以吐利為度量大小加減五

月五日修合更佳

南斗散

當山 白芷 南星

生用各等分

右咬咀每服二錢酒半盞煎至一半去滓發日五更服

又方

上等臘茶

硫黃

別研末

右各頓一處寒多倍硫黃熱多倍蠟茶發日五更米

飲調一錢或引飲宜服五苓散

治小兒瘡

取牝驢皮覆患瘡人良

蛇蛻散 治小兒諸瘡久不瘥

一名獨聖散

用蛇蛻皮燒灰研細每服半錢或一錢冷水調下未發前服之量大小加減

又方

用鹿角鎊一兩粗搗篩每服一錢未發時水半盞煎



至三分去滓溫服更量大小加減一方以乳調服

治小兒溫瘧

燒鼈甲灰以酒服一錢至發時服三並以火灸身

又方

燒雞肫脰中黃皮為末和乳與服男雄女雌

風瘧

因感風而得惡風自汗煩躁頭疼轉而為瘧風陽氣也故先熱後寒可與解散風邪宜川芎白芷青皮紫蘇之

類細辛檳榔佐之溫瘧先熱後寒此乃傷寒壞病與風  
瘧大略相同熱多寒少小柴胡湯熱少寒多小柴胡湯  
加桂

小柴胡湯倍加人參地骨皮溫瘧加桂

寒瘧

自感寒而得無汗惡寒癢痛面慘轉而為瘧寒陰也先  
寒後熱可與發散寒邪

右局方五積散或養胃湯加桂良薑白薑草菓之類

甚者薑附湯理中湯養胃湯寒瘧加桂生薑烏梅煎服

張氏草菓飲 治寒多熱少手足逆冷遍身浮腫腹肚疼痛

厚朴

薑汁炒

青皮

去白

草菓

藿香

甘草

炙

丁香皮

神麴

炒

良薑

半夏

麴

各等分

右㕮咀每服二錢水大半盞薑三片棗一枚煎至二分去滓空心服一方加檳榔紫蘇

生熟飲 治脾寒發瘧及寒多熱少久病胃衰

草菓

二枚

肉豆蔻

二枚各一  
生一煨

生薑

二塊一  
生一煨

厚朴

二片  
一片

生一片薑  
製紙包煨

甘草

二寸一  
生一炙

右棗二箇烏梅一箇煎空心服一方不用棗烏梅散  
分二劑煎八分發日五更連進

七棗湯 治久瘧寒瘧

用大川烏一箇火炮鹽水浸七次去皮作二服薑七  
片棗七枚葱三寸水煎先喫棗後服藥一方用小附

子一枚如前製服烏附皆能溫脾如寒多用附子夾  
風用川烏

暑瘧

一名瘧瘧

暑勝熱多得之陰氣獨虧陽氣獨發但熱不寒裏實不  
泄煩渴且嘔肌肉消鑠宜小柴胡湯香薷散五苓散嘔  
者縮脾飲下消暑九熱多躁盛少與竹葉湯加常山柴  
胡

香薷飲 治暑瘧

香薷

四兩

厚朴

製

扁豆

薑製各二兩

右對烏梅煎臨熟入薑汁溫服或五苓散去桂加羌活一方燈心車前子同煎

又方 治夏月寒暑飲水過多停冷於脾至秋成瘧

用青州白丸子金液丹各三十丸臘茶清下小兒研末熱多臘茶清調寒多用米飲調亦治吐瀉後成慢

驚

又方 大人小兒皆可服

用巴豆去殼大蒜筋頭扎一竅入巴豆一粒大者入  
二粒濕紙裏煨令熟取出巴豆不用將大蒜去外一  
重皮了細研大蒜五箇入辰砂末一錢宿蒸餅丸如  
梧桐子大端午日製若十歲已下如麻子大當發日  
空心井水下一丸忌生冷油膩三日合時忌猫犬婦  
人見

濕瘡

由冒襲雨濕汗出澡浴得之身體痛重肢節煩疼嘔逆

脹滿宜五苓散除濕湯加蒼朮茯苓或朮附湯加官桂  
茯苓最驗

食瘧

一名胃瘧

飲水無節飢飽所傷食啖生冷醎酸肥膩中脘生痰皆  
為食瘧其狀苦飢而不能食食則中滿吐逆腹疼宜青  
皮陳皮草菓半夏縮砂白豆蔻下巴豆取積或四獸飲  
下紅丸子

四獸湯 治食瘧諸瘧和胃消痰



半夏製人參 茯苓 白朮 橘紅 草薢 生

薑 烏梅

大棗

各等分

甘草

炙減半

右咬咀以鹽少許淹食頃濕紙厚包慢火煨香熟每服四錢煎發前餅二三服小兒量與水煎溫服楊氏曰治食瘧食積用此或二陳湯下紅丸子

蕩脾丸 治化痰消積進食駐顏及治氣喘疳積

杏仁

一兩去皮尖用蚌粉炒令黃色

半夏

一兩生薑自然汁浸一宿次日焙

巴豆

五粒去殼并心膜以皮紙出油

右為末用大好北棗七枚入燈心蒸去皮核取肉為  
丸每服五丸常服燈心棗子煎湯下注顏檳榔煎湯  
下消宿食陳米湯空心臨卧服化痰烏梅湯下治瘡  
蒜湯或薤水下治痞癖大效

瘴瘧

受嵐瘴溪峒蒸毒之氣如嶺南苦炎燥濕不常人多瘴  
瘧其狀血乘上焦病欲來時令人迷困甚則發躁狂妄亦  
有啞不能言者由敗血瘀心毒痰聚脾坡仙指為脾胃

實熱所致又有甚於暑瘧治法宜涼隔疎利大腸宜小  
柴胡湯加大黃及木香九觀音九 仁齋曰如前數證  
經久不瘥真氣已耗邪氣猶存有所謂勞瘧瘧母焉  
觀音九 取下暑毒瘧毒

半夏

生

烏梅肉

母丁香

巴豆

不去油每件  
各十枚晒

右為末薑麯糊丸如麻子大上下以厚紙蓋貼有油  
即換紙每服五丸臨卧冷水下此方舟人於海角遇  
白衣人授之

楊氏地龍飲 治瘰癧諸瘡大熱煩躁

用生地龍三條研細入生薑汁生蜜調服

瘰癧母

乃彌年閱月經汗吐下榮衛虧損邪氣伏藏脇間結癥癖其證未可直攻宜烏頭七棗湯以扶其裏俟內氣已充宜瘰癧丹磨沉香下雄黃解毒丸取下黑血如泥極臭而愈 治法之外蓋諸瘰癧皆有根在當隨輕重利導之實者巴豆大黃又瘰癧家多蓄黃水常山能破癖下水也

消癖丸 治瘧母停水結癖腹脇堅痛忌服甘草

芫花 炒 硃砂 研

右等分蜜丸如小豆大棗湯下去癖須用芫花大戟  
去水之劑下後服養胃湯

甘草湯 治小兒瘧癖實壯熱頭痛欲吐

甘草 炙 常山 各一兩

右粗搗篩三四歲每服半錢水半盞入竹葉十片同  
煎三分去滓溫服更量兒大小加減得吐即止

痰癰

二陳湯 治痰癰

陳皮 半夏

炮各五兩

茯苓

三兩

甘草

炙一兩

右劉生薑烏梅煎服寒多加草薹楊氏熱多加前胡

青皮檳榔縮砂白豆蔻隨意增用

常山散 治小兒發瘧痰壅煩悶

川常山

半兩

川大黃

半兩

桂心

一分

甘草

炙用半分

烏梅肉

各一分

分

右剉細每服一錢井水一小盞煎至半候冷未發前  
與之一方無烏梅肉三四歲每服半盞煎三分未發  
前溫服吐利效量大小加減

勞瘧

乃表裏俱虛真元未復疾雖暫止小勞復來法當調養  
血氣宜用川芎當歸官桂芍藥

牝瘧

由久受寒邪陽虛不能制陰所以寒多不熱氣虛而泄

宜用

柴胡薑桂湯 治牝瘧但寒或寒多熱少

柴胡

二兩 桂七錢

天花粉

一兩

白薑

炮一兩

右剉用水煎服

熱瘧

爭功散 治熱瘧多效

知母

貝母

柴胡

去苗

常山

甘草

山梔子

檳榔

各五錢

蟬蛻

十箇

地骨皮

去骨

五錢



右剉散每服五錢用桃柳枝各五寸煎未效用過路  
葛藤五寸煎服

刪繁常山酒煎 療小兒瘧或自能飲或不能飲母含  
藥與之

常山

二兩 桂心 一兩 甘草 半兩

右三味切以酒一升煎取七合去滓分服取吐瘧

又方 治瘧瘧但熱不寒

黃丹

右用黃丹煨過臨發蜜湯調下稍大能飲酒可用酒調一方不煨用蜜水調一法專服小柴胡湯次服人參前胡湯

廣濟療小兒瘡方

取驢軸下垢膩刮取和麪作燒餅與喫以瘡止

草菓飲 治痰瘧寒熱往來脾胃虛弱

草菓 陳皮 知母 三稜 良薑 烏梅 莪

朮 蘇葉 人參 川芎 白芷 甘草

右為末加薑同煎如脾胃虛弱用平胃散加草菓烏梅煎服

人參退熱散 治瘧疾寒熱胃膈多痰破結先用丁香脾積丸

下痰去積莫遲遲烏梅草菓與陳皮消熱可用青皮代寒熱人參知母宜莪朮白芷并甘草川芎蘇葉倍加之十味和同成咬咀何憂久瘧向安遲

六和湯 治瘧疾寒多熱少食積痞熱

陳皮

一兩  
去白

青皮

去白

柴胡

淨香附

蘇葉

各三兩

甘

草

一兩  
半

右咬咀白水煎服

神效截藥方

川常山

末

飛羅麩

右等分和勻用好酒調九蒸九晒擣丸如菉豆大每服二三十丸臨發日五更桃柳湯下

生料平胃散

治瘧疾後脾胃虛弱顏色憔悴不進飲

食面目浮腫並皆治之

蒼朮 陳皮 厚朴 草菓 半夏 白芷 烏

梅 藿香 前胡 草豆蔻 甘草

右咬咀每服一錢薑棗煎服

正氣散 治瘧疾後脾胃虛弱手足浮腫

陳皮 厚朴 蒼朮 檳榔 肉豆蔻 大腹皮

麥芽 香附子 草豆蔻 秦艽 甘草

右咬咀薑一錢蘇葉煎喫

草薺建中湯 治諸瘡爭勝人多用之

人參 草薺

桂

各半兩

白芍藥

一分

甘草

三分

右為散大銚水煎日進多服神效

金嬰驅瘡飲 治一切瘡

紫蘇 白芷

檳榔

各半兩

草薺

淨

製半夏

各一兩

陳

皮 甘草 白茯苓

前胡

各半兩

右㕮咀薑棗烏梅煎甚效

治小兒溫瘡身積熱不解

以菖蒲作湯浴之

渴疾

附論

夫渴者有大渴熱渴瘕渴三者大同小異大渴起於吐瀉之後脾胃因虛而生邪熱脾受邪熱涎液內涸唇乾舌燥故成大渴也熱渴起於血氣盛實臟腑生熱或冒暑毒因熱臟燥津液不生唇焦舌乾故成熱渴也巢氏云熱渴而飲不止小便澀者則成癖瘕渴者起於腎與膀胱好食肥膩恣食甘酸骨熱濫汗黃瘦腹脹口臭唇

乾故成疳渴飲水多小便無度其病久則多癰疽或變  
腫病其證內熱則小便利小便利則津液竭津液竭則  
經絡澁經絡澁則榮衛不行榮衛不行則血氣流澁故  
成疽也其渴久則脾土虛脾土虛則腎水盛腎水盛則  
水反尅土致脾生風濕脾既風濕則生虛熱濕熱相搏  
發於皮膚遍身腫滿也 小兒渴證唇紅如丹三五分  
者即發三五分渴若七分紅者即七八分作渴其有發  
渴唇紅焦黑者即久渴虛甚疾加傳極證候危篤故也



凡小兒有瘧渴引飲不歇心肺虛熱唇焦舌裂有瀉渴者肌體羸弱神困力乏有利渴者虛熱積臟眉皺肚痛有傷寒候發渴者有瘧癖虛煩引飲不歇俱因三焦不順五臟蘊熱煩躁昏悸神情不樂

方

止渴湯

人參 甘草 麥門冬去心 茯苓去皮 桔梗 天花粉

乾葛 澤瀉 乾木瓜 百藥煎 猪苓各等分

縮砂仁

加倍

右用薑棗煎服

黃連散

治小兒心肺積熱渴不止咽喉乾痛

黃連

去鬚

射干

川升麻

赤茯苓

麥門冬

去心焙

元參

甘草

炙

桑白皮

黃芩

已上各半兩

右為散每服一錢水一小盞入青竹葉七片煎至五

分去滓入蜜半合更煎一兩沸放溫時時與兒呷之

白朮散

治小兒吐瀉失亡津液身涼煩渴不食困倦

少力多服尤妙滋養津液助氣補虛亦治虛熱

白朮

一兩

人參

白茯苓

白扁豆

山藥

甘草

炙粉葛

糯米

各半兩

右為末三歲半錢水半盞煎三分服

人參麥門冬散

治發熱煩渴

麥門冬

去心一兩

人參

去蘆

甘草

炙

陳皮

白朮

厚朴

薑製各

半兩

右㕮咀每服二錢水一盞煎六分溫服不拘時

枇杷葉散 治小兒氣壅煩熱不止少欲乳食

枇杷葉

拭去毛  
炙黃

葛根

胡黃連

甘草

炙

元參

各一

分

麥門冬

半兩去  
心焙

右為散每服一錢水一小盞生薑少許煎至五分去滓入蜜半兩更煎一兩沸放溫時時與兒呷之

麥門冬散 治小兒心肺熱壅悶煩渴不止

麥門冬

去心  
焙

梔子仁

犀角屑

知母

甘草

炙

黃芩

各半  
兩

右為散每服一錢以水一小盞入竹葉七片煎至五分去滓不計時候量大小以意加減溫服

蘆根散 治小兒壯熱渴不止

蘆根

人參

去蘆

黃耆

知母

麥門冬

去心焙

甘草

炙已上各半兩

右搗為散每服一錢以水一小盞入竹葉七片粟米一百粒煎至五分去滓不計時候溫服量大小以意加減

龍粉丸 治小兒疳熱煩渴

草龍膽 定粉炒 黃連 烏梅肉 各等分

右為末煉蜜丸如小豆大三歲三十丸烏梅湯下

煎銀飲子 治小兒熱渴不止

銀五兩 石膏二兩 寒水石 螻蛄蛭各二兩

右以水三升入銀石三味煎至一升去銀石次下蛭  
更煎至七合去滓每服半合不計時候溫服量大  
小以意加減

菰蘆根散 治小兒熱渴不止煩悶

菰蘆根

三分

黃芩

知母

各半兩

右為散每服一錢水一小盞入小麥粟米各一百粒煎至五分去滓不計時候溫服大小以意加減

又方

菰蘆根

三分

黃芩

半兩

小麥

半合

右都剉以水二盞煎至一盞去滓不計時候量大小加減溫服

又方

生葛汁 竹瀝

各二合

右藥汁相和令勻不計時候服半合大小加減

膩粉散 治小兒熱渴不止

膩粉

分一

皂莢

一枚不艸可長七八寸者  
去黑皮塗酥炙令香熟

右將皂莢搗羅為末入膩粉同研令勻不計時候溫水調下一字量大小以意加減

石蓮散 治小兒熱渴久不止



石蓮心

二十枚  
炒黃

浮萍一分

右藥都以水一中盞入生薑少許煎至六分去滓每服半合徐徐服之量大小以意加減

藕漿散 治小兒大渴不止飲水無度煩渴不食并瘡  
豆燥渴心躁

粉霜

一兩半  
黃丹  
錢

右為末二歲一字用藕汁調下大渴一服立效

治小兒熱渴久不止

用葛根半兩細研以水一中盞煎至六分去滓不計時候分減溫服

楊氏備急方

取熟桑椹任意食用生蘿蔔汁和生蜜飲之

魚涎散 治小兒多渴飲水不休心躁

用瓜萋根為末取鮎魚身上涎搜作餅子日乾或用蛤粉搜之尤妙三歲半大錢候兒大渴時用井桶口索頭泡湯調下立定或用田螺浸水一夕調下一方

用淡竹去節中間着火自然竹漚出也一味飲之治  
渴甚驗亦治瘡豆煩渴身熱多躁竹漚磨犀角汁飲  
之

龍涎散 治小兒大渴不止亡失津液

取湯瓶中澗或古浴鑊中銹澗為末三歲半錢井桶  
索頭泡湯調下食前遇大渴服立效 一方瓦花是  
古屋上瓦生青花為末依前湯調下 一方青魚鮓  
為末蛭蚰浸水調並有效千金云取七家井索近桶

口結燒灰井花水調下不過三劑竹根煎汁亦治渴疾

治小兒三焦虛煩作渴引飲不歇

用三黃丸加朴硝少許重作小丸子煎麥門冬湯下

治小兒傷寒候發渴唇口焦乾強燥盛者

用竹葉石膏湯主之

治小兒痞癖作渴不止

用艾灰餅子主之

治小兒熱瀉作渴

用五苓散加乾葛主之煩熱香薷飲加黃連治之小便  
澀閉不通煎車前湯主之用車前末甘草炙二味煎  
湯

治小兒疳渴

用蚘子麝香丸主之

盜汗

附論

夫汗者血之異名陽主氣氣為衛陰主血血為榮人之

一身負陰抱陽平則寧偏則病陰虛陽必湊故發熱汗出如水熱而湧陽虛陰必乘故發厥汗出如水溢而流汗者表虛而津液為之發泄也人以衛氣固其表所以溫肌肉充皮膚肥腠理

明理論曰津液腠泄之所為腠文理縫會之中為理司

開闔衛氣一虛則肌肉不溫皮膚不充腠理不肥開闔失守也明理曰自汗者謂不因發散或昏睡自然而出盜汗者睡困則出醒則復收頭汗者邪搏諸陽津液上腠出頭上手足汗出胃主四肢陽明之証也無汗者寒

中榮則無汗謂腠理閉也楊氏曰治法表虛者與之黃  
耆官桂之劑邪氣相干與之微微解散之劑至若風暑  
濕之邪為自汗之証傷寒在表無汗若陰病水飲及亡  
陽亦皆無汗治各有條若熱病脉躁盛與麻黃湯數劑  
不得汗者此陽亢也不治設或小便不利如內外關格  
頭汗則為陽脫及濕家誤下額汗而喘或小便不利大  
便自利亦為陽脫或汗出而至髮潤或汗出如珠如油  
凝而不流汗出如水他病如之皆不可救喜汗厚衣卧

而額汗出止汗散主之盜汗睡而自汗出肌肉虛也止

汗散主之遍身汗香薷九主之六陽虛汗上至頭下至

項不過至腦不須治之

張氏三子病汗大者遍身次者上至項下至胛小者但額有汗

衆醫以參煎散治不愈錢氏曰大者與香薷九次者與益脾散小者與石膏湯各五日而愈

盜汗者

心之液也小兒血氣嫩弱膚腠未密若厚衣溫暖薰蒸

臟腑臟腑生熱熱搏於心心為邪所勝故液不能內臟

腑薰出肌肉則為盜汗也又或傷於冷傷於熱冷熱交

爭陰陽不順津液洩越亦睡中汗自出其間有虛實之



証虛者為諸病後或大汗後血氣尚弱液溢自汗實者或潮熱或寒熱發過之後身涼自汗二者日久令黃瘦失治則變為骨蒸癆勞也

方

柴胡秦朮湯 治小兒盜汗

柴胡

去苗

秦朮

去苗

常山

去心

貝母

去心

甘草

炙

烏梅肉

乾

焙

山梔子仁

鼈甲

去裙襴

醋炙

黃芩

去黑心

生薑

切

大

切

合

黃

炒各

桃枝

剉

柳枝

剉

葱白

切

薤白

切

一握糯米

半

合

右粗搗篩每服一錢水半盞酒二分同煎至四分去滓溫服早晨日午臨卧各一五歲以下分作二服二歲以下分作三服

柴胡煎丸 治小兒骨蒸肌瘦盜汗

鼈甲

九肋者一枚去裙襴醋炙

柴胡

去苗二兩

甘草

炙

當歸

切焙

杏仁

湯浸去皮尖雙仁研

桔梗

炒各一兩

胡黃連

分

地骨皮

赤芍藥

各一兩

木香

半兩

黃連

一分去鬚

桂

去粗皮半兩

人參

一兩

麝香

許

研酥

蜜

各三兩

右除酥蜜外搗研為末用青蒿一觔剉小便五升好酒一升熬蒿至二升去蒿入酥蜜再熬成煎候冷入藥末和丸如菉豆大每服十九米飲下日二服如秋冬合時更入桃柳心各七枚宜與後方柴胡人參湯相間服之

柴胡人參湯 治小兒骨熱盜汗肌瘦減食

柴胡去苗人參 白茯苓去皮 當歸 桔梗 青橘

皮去白芍藥 芎藭 麥門冬去心 白朮 升麻 桑

根白皮

甘草

各一兩

右並生剉如麻豆大每二錢水一盞煎至六分去滓  
分溫二服食後臨卧與前鼈甲柴胡煎丸相間服速  
效

香薷丸

治小兒疳黃盜汗骨蒸潮熱腹大肌瘦

胡黃連

大黃瓜

黃色者  
一箇

柴胡

川大黃

濕紙裹  
煨至底

焦鼈甲

醋炙  
黃

黃柏

去粗  
皮

黃連

蘆會

青橘皮

各等

分

右除黃瓜外同為細末將黃瓜割去頭項入諸藥至滿却盖口用杖子插定慢火內煨熟將黃瓜及藥同用麪糊丸如菉豆大每服三二丸食後冷漿水或新水下大者五七丸至十丸一方加木香麝香少許米湯下

麥煎散 治小兒滯衛不調夜多盜汗四肢倦怠消瘦面黃

鼈甲

一兩酒醋炙三五十次取淨好醋再炙黃

柴胡

去苗

玄參

秦艽

各一

兩 乾漆炒 白茯苓 人參 乾葛 大川烏炮去

兩 半

右為末三歲半錢水半盞小麥三七粒煎三分

黃耆散 治小兒體熱盜汗心煩不欲乳食

黃耆

硃砂

各半兩細研水飛

龍腦

一錢細研

人參

去蘆

川升麻

川大黃

微炒

甘草

炙

天竺黃

牡蠣粉

已上各一分

右為散不計時候煎竹葉湯調下半錢量兒大小加

減服之

龍骨散 治小兒夜常有盜汗黃瘦

白龍骨 牡蠣粉 黃耆 人參去蘆 麻黃根 熟

地黃 甘草

炙各半兩

麥門冬

一兩去心焙

右為散每服一錢以水一小盞煎至五分去滓不計時候量兒大小以意加減

犀角散 治小兒盜汗肌瘦

犀角 鼈甲

酥炙

柴胡

各半兩

知母

半兩

地骨皮

胡黃

連

各一兩

大黃

桃仁

各半兩

右咬咀每服三歲兒一錢水半盞煎至三分去滓溫服不拘時候大小以意加減

猪肚丸 治小兒骨蒸盜汗乳食減少

鼈甲

去裙襴醋炙

柴胡去苗木香

生乾地黄

焙各一兩

青蒿

去莖黃連

去鬚炒二兩

青橘皮

去白焙半兩

右為末用一枚嫩小猪肚淨洗入藥末在內繫定蒸令極爛研和藥末丸如菉豆大每服十丸溫水下食前日午臨卧日三服大小加減



地骨皮湯 治小兒骨蒸壯熱肌肉減瘦多困少力夜

多盜汗

地骨皮

秦艽

去苗土

柴胡

去苗

枳殼

去穰

知母

焙

當

歸 切  
焙 鱉甲

去裙襴  
醋炙

右粗搗篩每服一錢以水八分入桃柳心各五枚薑  
二片烏梅半枚同煎至四分去滓溫服空心臨卧各  
一五歲以下分作二服

黃耆散 治小兒榮衛不和肌瘦盜汗骨熱多渴不思

乳食腹滿洩瀉氣虛少力

沉香 黃耆灸 人參 當歸 赤芍藥各一兩 木香

桂心各半兩

石咬咀每服一錢生薑三片棗子半箇水半盞煎三

分去滓溫服

香甲丸一名沉香 鑿甲丹 治小兒潮熱盜汗消瘦面黃煩渴不

食

沉香 龍膽草 鑿甲童子小便 浸一宿 灸 當歸 黃耆蜜 灸

各一  
兩 大黃 炒  
黃連 各半  
兩

右為末麵糊丸如小豆大每服三十丸米飲送下一  
方用蜜和丸麥門冬去心煎湯送下大小加減

麻黃根散 治小兒盜汗不止咽喉多乾心神煩熱

麻黃根 敗蒲灰 麥門冬 焙 去心  
黃耆 龍骨

甘草 炙已上  
各半兩

右為散每服一錢水一小盞煎至五分不計時候量  
大小以意加減

犀角散 治小兒盜汗體熱咽乾

犀角屑 茯神

麥門冬

去心焙

黃耆

人參

去蘆各半

兩甘草

炙一分

右為散每服一錢以水一小盞煎至五分去滓不計時候溫服量兒大小加減

青蒿煎丸 治小兒盜汗肌熱

青蒿

切一觔

甘草

炙為末

杏仁

湯浸去皮尖雙仁炒研各一兩

柴胡

去苗

為末各一兩

白蜜

二分 鼈甲

去裙襴醋炙為末一兩半

右用童子小便五升先煎青蒿取一升去滓更煎令如稀飴入酥少許及諸藥末等熬成煎丸如菉豆大每服十五丸至二十丸空心熟水下量兒大小加減粉汗散 治小兒睡中遍身盜汗

牡蠣

煨二兩

麻黃根

炒

赤石脂

糯米

各一兩

龍腦

一錢

麝香

少許

右為末用生綿絹包藥搽有盜汗出處一方無麝香麻黃散 治小兒盜汗日久口乾煩渴消瘦少力

人參 茯苓 黃耆蜜炙 龍骨 牡蠣煨 麻黃根

右等分為末三歲一錢水半盞生薑棗子煎三分服

麻黃根散 治小兒盜汗

麻黃根 雷丸 牡蠣煨各一兩半 甘草炙一兩 乾薑炮半

兩 梁米一兩半

右六味搗羅為散以粉兒身及頭甚驗

升麻湯 治小兒肌熱盜汗日漸消瘦不食多渴

升麻 綿黃耆蜜炙 人參各一兩 熟乾地黄 天竺黃

牡蠣

各半兩  
煨研

右件通拌勻為末每服半錢至一錢煎竹葉湯調下  
一方竹葉少許水煎服

犀角湯 治小兒盜汗睡中驚啼體熱瘦瘁此由心臟

熱所致

犀角屑

三分  
茯神 去木  
一兩

麥門冬

去心焙  
一兩半

白朮

一分  
甘草

炙半

兩

右粗搗篩每二錢以水一小盞煎至五分去滓分溫

二服食後臨卧服之量大小加減一方有龍齒一兩

鼈甲丸

一名鼈蓉升

治小兒久病盜汗血少氣虛面色萎黃

骨蒸煩渴日漸消瘦情意不悅

鼈甲

醋炙

肉蓯蓉

酒浸一宿炙乾各一兩

當歸

黃耆

蜜炙

何首

烏

各半兩

右為末煉蜜丸如小豆大三歲三十九米湯下食前

服

粉汗散

治小兒睡中遍身盜汗



黃連

生

牡蠣

煨

貝母

各七錢

糯米

三兩一

作粉

右為細末用生綿絹包藥撲有盜汗處

牡蠣散

一名黃香散

治小兒盜汗汗者血也血虛亦能自汗

又治小兒病後暴虛津液不固體常自汗夜卧愈甚久而不止羸瘠枯瘦短氣煩倦亦治虛熱盜汗或因病後血少虛弱消瘦潮熱煩渴腠理不密盜汗不止

牡蠣

煨二兩

黃耆

乾地黄

生

麻黃根

各一兩

右咬咀每服一錢水半盞小麥二十粒煎三分去滓

溫熱服無時一方無麻黃根

牡蠣散 治小兒汗者血虛亦能自汗作熱

蒼朮

米泔浸一宿去黑皮炒一兩

白朮

半兩

防風

去蘆一兩

龍膽

一兩

右為末每服一錢米飲調下

金匱丸 治小兒肌熱盜汗瘦弱飲食不進常服退肌

熱肥孩兒大有神效

黃連 黃蘗 青皮 甘草

各半兩

右為細末入麝香半錢取獐猪膽和藥在膽內用漿

水煮十餘沸取出東房山頭掛一夜第二日丸如菽  
豆大每服十九加至二十九溫米飲下不拘時候

衛生方 治疳熱肌瘦盜汗

地骨皮

洗四兩

生乾地黃

三兩

白芍藥

一兩

甘草

炙半兩

右咬咀每服二錢水一盞小麥三十粒煎至七分去

滓不拘時候

芡窮湯 治小兒心熱盜汗

芡窮 大黃

煨

羌活

去蘆頭

甘草

炙各一兩

右咬咀每二錢水一中盞入薄荷數葉同煎至六分  
去滓分溫二服量大小加減

治小兒盜汗不止宜用粉身

麻黃根

雷丸

各二兩

乾薑

一兩二兩

右為末日三四度以粉其身汗即自止

治盜汗外腎濕

人參

一錢

苦參

麻黃根

各三錢

右為末蜜九梧桐子大炒麥麩煎湯下二十九

治睡中汗出

酸棗仁 人參 茯苓

各等分

右為細末半盞米飲下

團參湯 治盜汗取欬心血

人參

一兩

黃耆

三兩

甘草

半兩

右等分咬咀薑三片加麥麴煎服

又方 治證同前

羅參 白朮 白茯苓 黃耆 當歸 甘草

右咬咀各等分薑三片加麥麩煎服

二物茯苓粉散 治小兒頭汗兼治盜汗不止宜用粉

身

茯苓 牡蠣

各四兩

右下篩以粉八兩各搗為散有熱輒取粉汗即自止

故扇散 治小兒盜汗

故扇

燒灰一分

麻黃

取根節三分

右羅為散每服半錢乳食調下大小加減

丹砂散 治小兒肌熱盜汗

丹砂

研一兩

白礬

熬乾枯研二分

右再同研勻細每服半錢薄荷自然汁調下

重湯丸 治小兒盜汗潮熱往來

胡黃連

柴胡

去苗等分

右為末煉蜜丸如雞實每服二丸至三丸銀器內用酒少許化開入水五分重湯上煮十二三沸放溫食後服量兒大小加減

治自汗方

白朮

一分小麥一撮

右用同煮去麥用白朮為末煎黃耆湯服之以愈為度

止汗散 治小兒喜汗厚衣睡而額上汗出及遍身自汗肌肉虛也

右用故蒲扇燒灰如無扇只將故蒲燒灰細服三錢溫酒調下無時



麥麩散 治小兒盜汗不止日漸消瘦

右用麩皮炒黃為末三歲半錢煎猪脊髓湯調下

治盜汗

右用鬱金為末水調塗兩乳下

又方

用白朮剉碎用水濃煎時時與飲以知為度

治盜汗不止

用防風為末浮麥煎湯調服而愈

又方

用麻黃根節甘草節二味粗末水煎服

虎杖散 治實熱盜汗

用虎杖剉水煎服量多少與之無時一方為末三歲半錢水半盞煎服

香粉散 治盜汗不止

藁本 牡蠣粉 川芎 白芷 蚌粉 麻黃根

各等分

右為末週身傳之

建中湯減桂加人參

傳氏活  
嬰方

治盜汗補虛和陰陽治傷

寒自汗

黃耆

一兩

白芍藥

三兩

人參

半兩

熟地黄

甘草

炙各  
半兩

右㕮咀每服二錢大麥同煎服之

又方 治小兒虛汗心驚恍惚而汗頻流體熱心煩

硃砂 黃耆 人參 升麻 天竺黃 牡蠣粉

龍膽草 甘草

右為末每服半錢淡竹葉煎湯調下

牡蠣散 治小兒盜汗不止宜用粉身

牡蠣粉

麻黃根

赤石脂

各一兩

右藥搗細羅為散入米粉二合拌令勻每日及夜間

常撲之

普濟方卷三百九十